

## מלאכי

<sup>1</sup> מִשָּׂא דְבַר־יְהוָה אֶל־יִשְׂרָאֵל בְּיַד מְלָאכִי: <sup>2</sup> אֶתְּבַתִּי  
אֶתְכֶם אָמַר יְהוָה וְאָמַרְתֶּם בְּמַה אֶתְּבַתְּנוּ הַלּוֹא־אֵח  
עָשׂוּ לְיַעֲקֹב נְאֻם־יְהוָה וְאֵהָב אֶת־יַעֲקֹב: <sup>3</sup> וְאֶת־עָשׂוּ  
שָׁנְאֵתִי וְאֲשִׁים אֶת־הָרִיוֹ שְׂמֵמָה וְאֶת־נַחֲלָתוֹ לְתַנּוֹת מִדְּבַר:  
<sup>4</sup> כִּי־תֹאמַר אֱלֹהִים רִשְׁשָׁנוּ וְנִשְׁבַּח וְנִבְנֶה חֲרֻבוֹת כֹּה  
אָמַר יְהוָה צְבָאוֹת הַמָּה יִבְנוּ וְאֲנִי אֶהְרֹס וְקִרְאוּ לָהֶם  
גְּבוּל רִשְׁעָה וְהָעַם אֲשֶׁר־זָעַם יְהוָה עַד־עוֹלָם: <sup>5</sup> וְעֵינֵיכֶם  
תִּרְאִינָה וְאַתֶּם תֹּאמְרוּ יִגְדַּל יְהוָה מֵעַל לְגְבוּל יִשְׂרָאֵל:  
<sup>6</sup> בֵּן יִכְבֵּד אָב וְעֶבֶד אֲדַגִּי וְאִם־אָב אֲנִי אֵינִי כְבוֹדִי  
וְאִם־אֲדוֹנִים אֲנִי אֵינִי מוֹרְאֵי אָמַר יְהוָה צְבָאוֹת לָכֶם  
הַכֹּהֲנִים בּוֹזֵי שְׁמִי וְאָמַרְתֶּם בְּמַה בָּזִינוּ אֶת־שְׁמִי: <sup>7</sup> מִגִּישִׁים  
עַל־מִזְבְּחִי

לֶחֶם מִגָּאֵל וְאָמַרְתֶּם בְּמַה גָּאֲלֵנוּךְ בְּאִמְרֹכֶם שְׁלַחַן יְהוָה  
נִבְזָה הוּא: <sup>8</sup> וְכִי־תִגְשׁוּן עוֹר לְזִבְחַת אֵין רָע וְכִי תִגִּישׁוּ פֶסֶח  
וְחֻלְהָ אֵין רָע הַקְרִיבֶהוּ נָא לְפָתְחֶךָ תִּירְצֶךָ אוֹ הַיִּשָּׂא  
פְּנֶיךָ אָמַר יְהוָה צְבָאוֹת: <sup>9</sup> וְעַתָּה חֲלוּ־נָא פְּנֵי־אֵל וַיַּחַנְנוּ  
מִיִּדְכֶם תִּתֶּה זֹאת הַיִּשָּׂא מִכֶּם פָּנִים אָמַר יְהוָה צְבָאוֹת:  
<sup>10</sup> מִי גַם־בְּכֶם וּסְגָר דְּלֹתִים וְלֹא־תֹאִירוּ מִזְבְּחֵי חַנָּם  
אֵין־לִי חֹפֶץ בְּכֶם אָמַר יְהוָה צְבָאוֹת וּמִנְחָה לֹא־אֲרַצֶּה  
מִיִּדְכֶם: <sup>11</sup> כִּי מִמְזַרְח־שֶׁמֶשׁ וְעַד־מְבוֹאֵי גְדוֹל שְׁמִי בְּנוֹתִים  
וּבְכָל־מְקוֹם מִקְטֹר מִגִּשׁ לְשִׁמִּי וּמִנְחָה טְהוֹרָה כִּי־גְדוֹל

שְׁמִי בַגּוֹיִם אָמַר יְהוָה צְבָאוֹת: <sup>12</sup> וְאַתֶּם מְחַלְלִים אוֹתוֹ בְּאִמְרֵיכֶם שְׁלַחן אֲדֹנָי מִגָּאֵל הוּא וְנִיבּוֹ נִבְּזָה אֲכָלוּ: <sup>13</sup> וְאַמְרֵתֶם הִנֵּה מִתְּלֹאֶה וְהִפְחַתֶּם אוֹתוֹ אָמַר יְהוָה צְבָאוֹת וְהִבֵּאתֶם גִּזּוּל וְאֶת־הַפֶּסֶחַ וְאֶת־תְּחוּלָה וְהִבֵּאתֶם אֶת־הַמִּנְחָה הָאֲרֻצָּה אוֹתָהּ מִיַּדְכֶם אָמַר יְהוָה: <sup>14</sup> ס' וְאֲרוּר נוֹכַח וְיֵשׁ בְּעֵדְרוֹ זָכָר וְנָהָר וְזִבְחַת מִשְׁחַת לְאֲדֹנָי כִּי מִלֶּךְ גָּדוֹל אָנִי אָמַר יְהוָה צְבָאוֹת וְשְׁמִי נִזְרָא בַגּוֹיִם:

## 2

<sup>1</sup> וְעַתָּה אֲלִיכֶם הַמִּצְוָה הַזֹּאת הַכְּתוּבִים: <sup>2</sup> אִם־לֹא תִשְׁמָעוּ וְאִם־לֹא תִשְׁיָמוּ עַל־לֵב לְתַת כְּבוֹד לְשְׁמִי אָמַר יְהוָה צְבָאוֹת וְשִׁלַּחְתִּי בְכֶם אֶת־הַמַּאֲלָה וְאֲרוּתִי אֶת־בְּרִכּוֹתֵיכֶם וְגַם אֲרוּתֵיהֶ כִּי אֵינְכֶם שָׁמִים עַל־לֵב: <sup>3</sup> הַגְּנוּ גַעַר לְכֶם אֶת־הַזֶּרַע וְזִרְתִּי פָרֶשׁ עַל־פְּנֵיכֶם פָּרֶשׁ חֲנוּכֶם וְנִשְׂא אֶתְכֶם אֲלֵיו: <sup>4</sup> וַיִּדְעֵתֶם כִּי שִׁלַּחְתִּי אֲלֵיכֶם אֶת הַמִּצְוָה הַזֹּאת לְהִיּוֹת בְּרִיתִי אֶת־לוֹי אָמַר יְהוָה צְבָאוֹת: <sup>5</sup> בְּרִיתִי וְהִיְתָה אִתּוֹ הַחַיִּים וְהַשְּׁלוֹם וְאַתֶּנֶם־לוֹ מִזְרָא וַיִּירָאֵנִי וּמִפְּנֵי שְׁמִי נַחַת הוּא: <sup>6</sup> תּוֹרַת אֱמֶת הִיְתָה בְּפִיהוּ וְעוֹלָה לֹא־נִמְצָא בְּשִׁפְתָיו בְּשָׁלוֹם וּבְמִישׁוֹר הִלָּךְ אִתִּי וְרַבִּים הֵשִׁיב מֵעֶזְרָן: <sup>7</sup> כִּי־שִׁפְתֵי כַהֵן יִשְׁמְרוּ־דַעַת וְתוֹרָה יִבְקָשׁוּ מִפִּיהוּ כִּי מִלֶּאֲךָ יְהוָה צְבָאוֹת הוּא: <sup>8</sup> וְאַתֶּם סִרְתֶּם מִן־תְּדָרְךָ הַכְּשִׁלְתֶּם רַבִּים בַּתּוֹרָה שְׁחַתֶּם בְּרִית הַלוֹי אָמַר יְהוָה צְבָאוֹת: <sup>9</sup> וְגַם־אֲנִי נָתַתִּי אֶתְכֶם נִבְזִים וְשִׁפְלִים לְכָל־הָעָם כִּפִּי אֲשֶׁר אֵינְכֶם שֹׁמְרִים אֶת־דְּרָכֵי וְנִשְׂאִים פָּנִים בַּתּוֹרָה: <sup>10</sup> פ' הַלּוֹא אֵב אַחַד לְכַלְנוּ הַלּוֹא אֵל אַחַד

בְּרָאֵנוּ מִדֹּעַ נִבְגַדְ אִישׁ בְּאָחִיו לְחַלְלֵל בְּרִית אֲבֹתֵינוּ:  
 11 בְּגִדְהָ יְהוּדָה וְתוֹעֵבָה נַעֲשֶׂתָה בְּיִשְׂרָאֵל וּבִירוּשָׁלַם  
 כִּי | חָלְלָל יְהוּדָה קֹדֶשׁ יְהוָה אֲשֶׁר אָהָב וּבָעַל בַּת־אֵל  
 נִכְרָ: 12 יְכַרֵּת יְהוָה לְאִישׁ אֲשֶׁר יַעֲשֶׂנָה עַר וְעִנָּה מֵאֲהָלָי  
 יַעֲקֹב וּמִגִּישׁ מִנְחָה לַיהוָה צְבָאוֹת: פ 13 וְזֹאת שְׁנִית תַּעֲשׂוּ  
 כַּפְסוֹת דְּמַעַה אֶת־מִזְבַּח יְהוָה בְּכִי וְאֲנִקָּה מֵאֵין עוֹד פְּנוֹת  
 אֶל־הַמִּנְחָה וְלִקְחַת רִצּוֹן מִיַּדְכֶם: 14 וְאָמַרְתֶּם עַל־מָה  
 עָלָ כִּי־יְהוָה הֵעִיד בֵּינָךְ וּבֵינִי | אֲשֶׁת נְעוּרֶיךָ אֲשֶׁר אִתָּה  
 בְּגִדְתָהּ בָּהּ וְהִיא חֲבֵרְתָךְ וְאִשְׁתׁ בְּרִיתְךָ: 15 וְלֹא־אֲחֹד  
 עָשָׂה וּשְׂאֵר רוּחַ לֹו וּמָה הָאֲחֹד מִבְּקִשׁ זָרַע אֱלֹהִים  
 וְנִשְׁמַרְתֶּם בְּרוּיְחְכֶם וּבְאִשְׁתׁ נְעוּרֶיךָ אֶל־יְבָגָד: 16 כִּי־שָׁנֵא  
 שְׁלַח אָמַר יְהוָה אֱלֹהֵי יִשְׂרָאֵל וְכִפְסָה חָמָס עַל־לְבוּשׁוֹ אָמַר  
 יְהוָה צְבָאוֹת וְנִשְׁמַרְתֶּם בְּרוּיְחְכֶם וְלֹא תִבְגְּדוּ: ס 17 הוֹגַעְתֶּם  
 יְהוָה בְּדַבְרֵיכֶם וְאָמַרְתֶּם בַּמָּה הוֹגַעְנוּ בְּאָמַרְכֶם כָּל־עֲשָׂה  
 לַע טוֹב | בְּעֵינַי יְהוָה וּבְהֶם הוּא חָפֵץ אוֹ אֵיהָ אֱלֹהֵי  
 הַמִּשְׁפָּט:

### 3

1 הֲנִנִי שְׁלַח מְלֹאכֵי וּפְנֵה־דַרְךְ לְפָנַי וּפְתָאֵם יָבוֹא  
 אֶל־הֵיכְלוֹ הָאֲדוֹן | אֲשֶׁר־אַתֶּם מִבְּקָשִׁים וּמִלֵּאדְ תַּבְרִית  
 אֲשֶׁר־אַתֶּם חֹפְצִים הִנֵּה־בָא אָמַר יְהוָה צְבָאוֹת: 2 וּמִי  
 מִכְּלָכַל אֶת־יוֹם בּוֹאוֹ וּמִי הָעֵמֶד בְּהִרְאוֹתוֹ כִּי־הוּא  
 כָּאֵשׁ מְצַרֵף וּכְבָרִית מְכַבְּסִים: 3 וַיֵּשֶׁב מְצַרֵף וּמְטַהֵר  
 כֶּסֶף וְטַהֵר אֶת־בְּגֵי־לוֹי וְזָקַק אֹתָם כַּזָּהָב וּכְכֶסֶף וְהָיוּ  
 לַיהוָה מִגִּישֵׁי מִנְחָה בְּצַדִּיקָה: 4 וְעָרְבָה לַיהוָה מִנְחַת

יהודה וירושלם כימי עולם וכשנים קדמוניות: <sup>5</sup> וקרבתתי אליכם למשפט והייתי | עד ממהר במכשפים ובמנאפים ובנשבעים לשקר ובעשקי שכר־שכיר אלמנה ויתום ומטי־גר ולא יראוני אמר יהוה צבאות: <sup>6</sup> כי אני יהוה לא שניתי ואתם בני־יעקב לא כליתם: <sup>7</sup> למימי אבתיכם סרתם מחקי ולא שמרתם שובו אלי ואשובה אליכם אמר יהוה צבאות ואמרתם בפה נשוב: <sup>8</sup> היקבע אדם אלהים כי אתם קבעים אתי ואמרתם בפה קבענוה המעשר והתרומה: <sup>9</sup> במארה אתם נארים ואתי אתם קבעים הגוי כלו: <sup>10</sup> הביאו את־כל־המעשר אל־בית האוצר ויהי טרף בביתי ובחנוני נא בזאת אמר יהוה צבאות אם־לא אפתח לכם את ארבות השמים והריקתי לכם ברכה עד־בלי־די: <sup>11</sup> ונערתי לכם באכל ולא־ישחת לכם את־פרי האדמה ולא־תשכל לכם הגפן בשדה אמר יהוה צבאות: <sup>12</sup> ואשרו אתכם כל־הגוים פיתתיו אתם ארץ חפץ אמר יהוה צבאות: <sup>13</sup> חזקו עלי דבריכם אמר יהוה ואמרתם מה־נדברנו עליך: <sup>14</sup> אמרתם שוא עבד אלהים ומה־בצע כי שמרנו משמרתו וכי הלכנו קרנית מפני יהוה צבאות: <sup>15</sup> ועתה אנחנו מאשרים זדים גם־נבנו עשי רשעה גם בחנו אלהים וימלטו: <sup>16</sup> אז נדברו יראי יהוה איש את־רעהו ויקשב יהוה וישמע ויכתב ספר זכרון לפניו ליראי יהוה ולחשבי שמו: <sup>17</sup> ותיו לי אמר יהוה צבאות ליום אשר אני עשה סגלה וחמלתי עליהם כאשר יחמל איש על־בנו העבד אתו:

18 וּשְׁבַתְּתֶם וּרְאִיתֶם בֵּין צְדִיק לְרָשָׁע בֵּין עֶבֶד אֱלֹהִים  
 לְאִשָּׁר לֹא עָבְדוּ: ס 19 כִּי־הִנֵּה הַיּוֹם בָּא בְּעַר כַּתְּנוּר  
 וְהָיוּ כָל־זָדִים וְכָל־עֲשֵׂה רָשָׁע קָשׁ וְלֹהֵט אַתֶּם הַיּוֹם  
 הַבֹּא אָמַר יְהוָה צְבָאוֹת אֲשֶׁר לֹא־יַעֲזֹב לָהֶם שָׂרֵשׁ וְעִנְיָ:  
 20 וְזָרְחָה לָכֶם יִרְאֵי שָׁמַי שְׁמֹשׁ צְדָקָה וּמִרְפָּא בְּכַנְפֵיהָ  
 וַיִּצְאֲתֶם וּפְשָׁתֶם כְּעוֹלֵי מִרְבֵּק: 21 וְעִסּוֹתֶם רָשָׁעִים כִּי־יִהְיוּ  
 אֲפֹר תַּחַת כַּפּוֹת רַגְלֵיכֶם בַּיּוֹם אֲשֶׁר אֲנִי עֹשֶׂה אָמַר  
 יְהוָה צְבָאוֹת: פ 22 זְכֹרוּ תּוֹרַת מֹשֶׁה עֲבָדַי אֲשֶׁר צִוִּיתִי  
 אוֹתוֹ בְּחָרֵב עַל־כָּל־יִשְׂרָאֵל חֲקִים וּמִשְׁפָּטִים: 23 הִנֵּה  
 אֲנֹכִי שֹׁלַח לָכֶם אֶת אֱלֵיָהּ הַנָּבִיא לִפְנֵי בּוֹא יוֹם יְהוָה  
 הַגָּדוֹל וְהַנּוֹרָא: 24 וְהָשִׁיב לִב־אֲבוֹת עַל־בָּנִים וְלֵב בָּנִים  
 עַל־אֲבוֹתָם פֶּן־אָבּוּא וְהַכִּיתִי אֶת־הָאָרֶץ חֲרָם:

## הקודש כתבי

# **The Hebrew Old Testament, Westminster Leningrad Codex**

Public Domain

Language: עברית (Hebrew)

Dialect: Biblical/Ancient

Lemma and morphology data are licensed under a Creative Commons Attribution- ShareAlike license (<http://creativecommons.org/licenses/by-sa/3.0/>). For attribution purposes, credit the Open Scriptures Hebrew Bible Project. The text of the WLC remains in the public domain.

2017-12-27

---

PDF generated using Haiola and XeLaTeX on 21 Feb 2024 from source files  
dated 31 Aug 2023

d1a7663b-2d06-5130-ae51-1db48e8c0710